

CAPU II - Is Òrganos de rapresentàntzia, de amministratzione e de gestione

Art. 9 - (Is Òrganos)

Sunt òrganos de s'Unione:

- a) S'Assemblea generale;
- b) Su Cunsìgiu de Amministratzione;
- c) Su Presidente.

Art. 10 - (S'Assemblea generale)

1. S'Assemblea est s'òrganu istituzionale de s'Unione, rapresentativa de is Entes assotziados, in intro de su cale si resument is interessos rapresentados.
2. S'Assemblea determinat is indiritzos generados de s'atividade e esèrtzitat su controllu subra s'amministratzione e sa gestione de s'Unione.

Art. 11 - (Cumpositzione)

1. S'assemblea est formada dae unu rapresentante pro ognu comunu assotziadu designadu intre is sindigos e is assessores pro tempore.
2. Is càusas de incumpatibilidade e de decadèntzia de is cumponentes de s'assemblea sunt reguladas dae sa lege;
3. S'espressione de votu in assemblea est paritària;
4. Su Presidente de s'Unione est seberadu dae s'Assemblea Generale, intre unu de is cumponentes pròpios.

Art. 11 bis – (Presidèntzia)

S'assemblea generale est presidida dae su presidente de s'Unione, issu assumet totu is cumpetèntzias segundu s'art. 39 de su T.U. de is leges subra s'ordinamentu de is Entes locales.

Art. 12 - (Funtzionamentu)

Su funtzionamentu de s'Assemblea est disciplinadu dae Regulamentu apòsitu.

Art. 13 - (Cumpetèntzias de s'Assemblea)

S'assemblea determinat is indiritzos generales de s'Unione ispirende·si a is netzessidades e a is interessos de is Comunos aderentes e a is fines istatutàrios. In particolare cumpetet a s'assemblea:

- a) S'eletzione de su Presidente de s'Unione;
- b) S'eletzione de su Cunsìgiu de amministratzione;
- c) Sa nòmina de is revisores de is contos;

- d) Nòmina de is Cummissiones cunforma a s'art. 20bis;
- e) S'aprovazione de is indirtzos, de is programas e de is critèrios pro s'atuazione issoro, puru is atos chi cumportant impinnos de ispesa pluriennales, sa cuntrazione de mùtuos e s'emissione de is prèstidos obligazionàrios e is disponimentos relativos a su patrimoniu comunu; S'aprovazione de is Bilanzu annuale e pluriennale, is relativas variatziones e su torracontu de sa gestione;
- f) S'aprovazione de is atos a càbidu normativu destinados a operare fintzas in s'ordinamentu generale;
- g) S'aprovazione de is acòrdios cun àteros Entes Locales e sugetos diferentes pro s'estensione de is servìtzios;
- h) Sa verifica de is rechestas de adesione de entes noos e sa proposta a is EE.LL. costituentes s'Unione de deliberare s'ammissione;
- is) Sa determinazione de is modalidades de cobertura de eventuales mancàntzias de amministratzione;
- j) S'esertiziu, in is cunfrontos de is àteros òrganos de s'Unione de totu is atributziones chi sa lege assignat a su Cunsìgiu Comunale in is cunfrontos de is Entes ausiliares;
- k) Is deliberatziones indicadas in su presente articulu sunt cunsideradas cunforma e pro is efetos de su dispostu cumbinadu de s'art. 42 de su D.Lgs. n. 267/2000, atos fundamentales.

Art. 14 - (Deliberatziones)

1. Is deliberatziones de s'Assemblea sunt assugetadas a is normas prevididas dae sa lege pro is deliberatziones de su Cunsìgiu comunale, pro su chi pertocat s'istrutòria, is parres, sa forma e is modalidades de redatzione, sa publicatzione e su controllu.
2. Is propostas de deliberatzione sunt aprovadas, cando chi non siat prevididu in manera diversa, a majoria assoluta de is votantes.
3. Is deliberatziones sunt assùmidas de norma cun votazione a iscrutiniu palesu. Is deliberatziones chi pertocant persones, cando chi non siat in manera diversa prevididu, sunt assùmidas cun votu segretu.
4. A is setziadas de s'Assemblea partètzipat su Segretàriu, chi contivìgiat sa redatzione de is relativos verbales chi, in manera unida a su Presidente, sutascriet.

Art. 15 - (Cunsìgiu de Amministratzione)

Su Cunsìgiu de Amministratzione est s'òrganu de amministratzione de s'Unione a su cale tocat donare atuazione a is indirtzos generales determinados dae s'Assemblea.

Su Cunsìgiu de Amministratzione est cumpostu dae su Presidente prus 4 componentes.

Su cunsìgiu de Amministratzione est elègidu dae s'assemblea generale intre is componentes pròpios. S'elezione acontesset in base de unu proposta fata dae su presidente in su respetu de is critèrios segundu is comas pretzedentes.

S'elezione aconteset a iscrutiniu palesu e cun votu favorevole de sa majoria de is cunsigeris assignados.

Su Cunsìgiu de Amministratzione gasi costituitu abarrat in càrriga totu su mandadu de su presidente. A pustis de sa nòmina de unu presidente nou s'aviat sa protzedura de elezione de su comitadu esecutivu nou cun is matessi modalidades.

S'in casu sa metade o prus de is amministratziones Comunales assotziados protzedat a su rinnovu de is Cunsìgios pròpios depet èssere torradu a elègere totu su Cunsìgiu de Amministratzione.

Is componentes de su Cunsìgiu de Amministratzione abarrant in s'esertitziu de is funtziones issoro finas a s'aposamentu de is sutzessoros issoro.

Art. 15 bis - (Decadèntzia de is Cumponentes de su Cunsìgiu de Amministratzione)

Is singulos componentes de su Cunsìgiu de Amministratzione decadint de sa càrriga:

- a) pro sa pèrdida de is requisitos segunfu su coma 4 de su pretzedente artìculu 15;
- b) pro more de unu de is impedimentos, de is incumpatibilidades o de is incapatzidades cuntempladas dae sa lege e dae su presente Istatutu.

In totu is casos sa decadèntzia est pronunziata dae s'Assemblea Generale chi at a protzedire a sa istituzione segundu is modalidades sgundu su matessi coma 4 de su pretzedente artìculu 15.

Is singulos componentes, chi surrogant componentes chi lassant sa càrriga prima de su tempus, esèrtziant is funtziones issoro finas a s'iscadèntzia naturale de s'òrganu.

Art. 16 - (Cumpetèntzias)

1. Su Cunsìgiu de Amministratzione, pro su cunsighimentu de is fines istatutàrios de s'Unione, acumprìt totu is atos chi non siant abbandados dae sa lege o de s'Istatutu a s'Assemblea e chi non torrent in is competèntzias de su Presidente, de su Segretàriu, de su Direttore si numenadu, e de is Responsàbiles de is Ufìtzios e de is Servìtzios.

Art. 17 - (Adunàntzias e deliberatziones)

1. S'atividade de su cunsìgiu de Amministratzione est collegiale.
2. Su Cunsìgiu de Amministratzione est cunvocado dae su Presidente de s'Unione.
3. Su Cunsìgiu de Amministratzione deliberat cun s'interventu de sa majoria de is componentes assignados a majoria assoluta de is votos.
4. A is deliberatziones de su Cunsìgiu s'aplicant is normas prevididas dae sa lege in òrdine a is parres, a sa forma, a is modalidades de redatzione, publitzidade e controllu; is matessi sunt sutascritas dae su Presidente e de su Segretàriu.

Art. 18 - (Su Presidente de s'Unione)

Su Presidente est elègidu dae s'Assemblea Generale, intre is componentes pròpios, in sa prima setziada a majoria assoluta pro sa durada de un'annu.

Sa nòmina de su presidente nou at a dèpere èssere fata intro su tèrmine de bindighi dies dae su sessamentu, cun is matessi modalidades de su pretzedente coma, sighende de norma a su printzipiu de sa turnatzione.

Su Presidente de s'Unione de is Comunos rapresentat s'Ente, est s'òrganu de unione intre s'Assemblea e su Cunsìgiu. Cunvocat e presiedit is vertices de s'Assemblea Generale e de su Cunsìgiu de Amministratzione e assegurat s'unidade de sa faina de s'Unione.

Su Presidente adotat totu is àutos e assumet is determinatziones chi pertocant s'amministratzione de s'Unione, chi ddi sunt atribuidas dae sa lege, dae su presente Istatutu e dea is regulamentos.

Art. 19 - (Vizepresidente)

In casu de impedimentu temporàneu o de ausèntzia sua is funtziones de su Presidente de s'Unione sunt acumpridas dae unu vizepresidente, componente de su Cunsìgiu de Amministratzione, numenadu dae su Presidente.

Art. 20 - (Mandos e responsabilidades)

A is Amministradores de s'Unione pro su chi pertocat aspetativas, permissos e indennidades, s'àplicant is normas prevididas dae su D.Lgs. n. 267/2000 e de sa Lege Regionale n. 12 de su 02.08.2005 art. 11 coma 7 e s.m.i.

A is matessi s'àplicant, gasi puru, is normas vigentes in matèria de responsabilidade pro is Amministradores de is entes locales.

Art. 20 bis – (Cummissiones)

Su proposta de su Presidente de s'Unione, de su Cunsìgiu de Amministratzione o de 1/5 de is componentes s'Assemblea generale, sa matessi Assemblea podet istituire Cummissiones ispetziales o de indàgine pro s'esàmene de problemàticas de interessu particolare e cumplessidade e/o casumai s'avèrguent fatos graves in sa faina gestionale de s'Ente.

Is poderes, sa cumposizione e su funtzionamentu de custas cummissiones sunt disciplinados dae su regulamentu pro su funtzionamentu de s'AG e/o dae sa deliberatzione de nòmina de is Cummissiones.

CAPU III - Òrganos gestionales- Istruturas e ufizios Art. 21 - (Printzipios e critàrios generales)

S'Unione modellat s'organizatzione de is servìtzios e de su personale ispirende·si a critàrios de trasparèntzia, funtzionalidade e economitzidade de gestione, pro more de assicurare efitzèntzia e efcatzidade a s'atzione sua.

Sa faina gestionale est acumprida, in is formas e cun is modalidades prescrividas dae sa lege, dae su presente Istatutu e dae is regulamentos apòsitos. In ogha modu issa depet sighire su printzipiu pro cale is poderes de indiritzu e de controllu tocant a is òrganos de amministratzione, mentras sa

dirigèntzia est deretu responsàbile de su cromptu de is obietivos, e de sa curretesa e efitzèntzia de sa gestione. S'Unione favorit e promovet sa formatzione de su personale pròpiu e de is Comunos aderentes pro su cromptu de is obietivos de is Entes, segundu crìterios de economitzidade.

Art. 22 - (Personale)

1. S'Unione de comunos, in is limite e cun is modalidades istabilidas dae s'apòsitu regulamentu, assumet su personale netzessàriu a s'acumprimentu de is servìtzios ricurrende primu de totu a su trasferimentu o a s'impreu fintzas a tempus parziale de su personale de is Comunos impreadu a is funtziones atribuidas a s'Unione.

2. S'istadu giurìdicu, normativu e su tratamentu econòmicu e previdenziale de su personale sunt regulados dae is leges, de s'Istatutu e de is cuntratos colletivos natzionales pro su personale de is entes locales.

Art. 23 - (Segretàriu)

1. Su Segretàriu de s'Unione est numenadu dae su Presidente segundu is protzeduras prevididas dae sa lege e de is regulamentos, cun preferèntzia intre is iscritos a s'Albu de is Segretàrios Comunales e Provintziales operadores in is comunos aderentes a s'Unione.

2. Su Segretàriu assolvèt a is funtziones prevididas dae sa lege, de s'Istatutu e de is regulamentos, acumprende in particulare, funtziones de legalidade e garantzia de is protzedimentos amministrativos. Partètzipat a is setziadas de is òrganos collegiales, curat sa redatzione de is verbales, e rogat is cuntratos de s'ente.

3. A su Segretàriu de s'Unione podent èssere atribuidas fintzas is funtziones de Direttore Generale.

Art. 24 - (Direttore generale)

Su fundu orgànicu de s'Unione podet previdere sa figura de unu direttore generale. A su direttore cumpetet, cun responsabilidade dirigèntziale, sa faina de gestione pro s'atuatzione de is indirizos programàticos e de is obietivos individuados pro su persighimentu de is fines de s'Unione.

Su Direttore, in particulare:

- a) predisponet su pranu detalliadu de is obietivos propedèuticu a su controllu de gestione, puru sa proposta de pranu esecutivu de gestione;
- b) esecutat is deliberatziones de is òrganos collegiales;
- c) fòrmula propostas a su Cunsìgiu de Amministratzione;
- d) sutaponet a su Cunsìgiu de Amministratzione, frunendeddos cun apòsitas relatziones, is ischemas de sa relatzione previsionale e programàtica, de is bilantzos preventivet pluriennales e anuales, puru de su contu consuntivu;
- e) intervenit a is assembleas de su Cunsìgiu de Amministratzione e de s'Assemblea, sena deretu de votu;

- f) adotat is providimentos intesos a megiorare sa produtividade de s'aparatu de s'ente;
- g) dirighet su personale a etzessione de su Segretàriu de s'ente;
- h) irrogat is providimentos disciplinares no assignados dae sa lege, dae s'Istatutu o dae su regulamentu, a àteros òrganos;
- is) presidit is cummissiones de garas e de cuncursu e istipulat is cuntratos;
- j) firmat sa currispondèntzia e is atos chi non siant de cumpetèntzia de su Presidente de s'Unione.

In mancàntzia de su direttore las funtzionas gestionales de cale a is pretzedentes comas tocat a is responsàbiles de is servìtzios e a su Segretàriu comunale segundu is previsiones cuntènnidas in su regulamentu de is servìtzios.

Art. 25 - (Incumpatibilidade e responsabilidade)

1. A totu su personale dipendente est proibidu s'esertzìtziu de àteru impreu, professione o cummèrtziu o àteru incàrrigu sena èssere autorizadu.
2. Non podent èssere numenados Direttore de s'Unione is Sìndigos, is Cunsigeris e is Assessoris, puru is parentes issoro intro de su de tres grados, de is entes locales assotziados.
3. Su Direttore e su personale de s'Unione sunt sugetos a sa responsabilidade amministrativa e contàbile previdida e disciplinada pro is dipendenti de is entes locales.